

憲示第七百六十八號

輔政使司梅

曉諭事現奉

督憲札開招人投接在新界九龍塘處建築供用水塘並安放十二寸大生鐵喉相連水喉與九龍大喉此地盤可於英十二月十七日即禮拜三日下午三點鐘由西麻地氣水廠起程前往看驗合約訂明禮拜日停工所有投票均在本署收截限期收至西曆本年十二月二十九日即禮拜一日正午止如欲領投票格式觀看章程及討取單者前赴田彌臣藍及切士處請示可也各票價列低昂任由

國家棄取或總棄不取亦可等因奉此合行出示曉諭為此特示

一千九百零二年

十二月

十二日

憲示第七百六十九號

輔政使司梅

曉諭事現奉

督憲札開招人投接在水池巷下即在必列者士街南之學墻築回合約內訂明逢禮拜停工所有投票均在本署收截限期收至西曆本年十二月三十日即禮拜二日正午止如欲領投票格式觀看章程及知詳細者前赴工務司署請示可也各票價列低昂任由

國家棄取或總棄不取亦可等因奉此合行出示曉諭為此特示

一千九百零二年

十二月

十二日

憲示第七百七十號

輔政使司梅

曉諭事照得現奉

督憲札開本部堂按照一千九百零一年經立海坦海底則例第二款擬將田土廳冊錄內編列大嶼山海坦海底地段第一第二兩號招人承批該等地段係環繞平州島及周公盤島一帶如欲知地形圖式可前赴本港田土廳請給觀看可也批期以承批之日起十年為滿租銀第一段每年一千元第二段每年三百元凡承批之人須要担承

能將該地段舊日批約及權利一概繳還即一千八百九十九年十月十四日又十二月二十日所給發者專准承批人在該等地段採取珊瑚類蠔蚌等壳不得別作經營等因奉此合行出示俾眾週知為此示

仰諸色人等知悉汝等須知上開海坦地段兩號擬期招人承批倘其中或有駁論以為不合招人承批者可於一千九百零三年二月二十八日前具稟來轅陳明原委以便轉詳

督憲會同議政局察核定奪慎毋逾期自悞切切特示

一千九百零二年

十一月

二十八日